



# Smjernice za čišćenje u cilju sprječavanja širenja bolesti COVID-19

Na bazi preporuka Centra za kontrolu i prevenciju bolesti (CDC) Hrvatske, Airbnb je pripremio sljedeći kontrolni popis za čišćenje namijenjen izdavaocima privatnog smještaja.

Ispišite taj popis kako biste ga imali pri ruci dok čistite svoj smještaj ili dajte primjerak osobi koja je zadužena za čišćenje.



# Kontrolni popis za čišćenje

## Prije čišćenja provjetrite prostorije.

Pustite da svježi zrak cirkuliše najmanje 20 minuta. Ako je moguće, neka svi prozori budu otvoreni čitavo vrijeme dok čistite.

## Temeljno operite ruke prije i poslije svakog čišćenja.

Upotrijebite sapun i vodu te ruke trljajte najmanje 20 sekundi. Ako to nije moguće, upotrijebite sredstvo za dezinfekciju ruku s najmanje 60 % alkohola.

## Nosite rukavice za jednokratnu upotrebu dok čistite.

Nakon svakog čišćenja rukavice treba baciti. I ne zaboravite oprati ruke čim skinete rukavice.

## Nabavite papirne ubruse, maramice za dezinfekciju i druga sredstva za čišćenje za jednokratnu uporabu.

Ako su vam draži proizvodi za višekratnu upotrebu, nakon svake upotrebe operite ih u mašini za pranje veša na najvišoj temperaturi koju materijal od kojeg su izrađeni može da podnese.

## Očistite, a zatim dezinfikujte.

Čišćenje je postupak uklanjanja prljavštine, mikroorganizama i nečistoća upotrebom sapuna ili deterdženta i vode. Dezinfekcija se odnosi na upotrebu hemikalija poput izbjeljivača ili alkohola u svrhu ubijanja mikroorganizama. Najbolji način za suzbijanje širenja zaraze jeste da sprovedete oba postupka.

## Upotrijebite odgovarajuće sredstvo za dezinfekciju.

Smatra se da su razrijeđeni rastvori izbjeljivača za kućnu upotrebu, sredstva za čišćenje s najmanje 70 % alkohola i najobičnija sredstva za dezinfekciju koje je preporučio Institut za javno zdravlje, uspješni u borbi protiv koronavirusa.

**☐ Posebnu pažnju obratite na površine koje se često dodiruju.**

Prekidači za svjetla, kvake, daljinski upravljači i ručke na slavinama samo su neke od površina koje trebate dezinfikovati. (Pogledajte popis površina koje se često dodiruju u sekciji „Šta treba očistiti i dezinfikovati“, ispod.)

**☐ Ne zaboravite na sofe, tepihe, zavjese i druge mekane, porozne površine.**

Pažljivo uklonite sve vidljive nečistoće i prljavštinu, a zatim upotrebite odgovarajuće sredstvo za čišćenje tih vrsta materijala. Ako je moguće, operite ih u mašini prateći instrukcije proizvođača.

**☐ Operite svu posteljinu na najvišoj temperaturi koju preporučuje proizvođač.**

To uključuje posteljinu, navlake za duške, peškire za ruke i tuširanje, kuhinjske krpe i ćebad. Kada dodirujete prljavi veš i posteljinu, navucite rukavice.

**☐ Očistite i dezinfikujte korpe za prljavi veš.**

Koristite vreće za jednokratnu upotrebu ili one koje se mogu prati u mašini za veš.

**☐ Nakon svakog čišćenja ispraznite usisivač.**

Dezinfikujte usisivač, ali i ostale kućne aparate poput mašine za suđe i mašine za veš.

**☐ Ne zaboravite da provjerite datume isteka na sredstvima koja imate u zalihama.**

I nikako nemojte miješati izbjeljivač za kućnu upotrebu sa amonijakom ili bilo kojim drugom rastvorom za čišćenje jer može doći do ispuštanja otrovnih gasova.



# Šta treba očistiti i dezinfikovati

Čistite prostor prije dolaska novog gosta? Posebnu pažnju obratite na sljedeće površine koje se često dodiruju.

## Generalno:

- kvake na vratima, rukohvati
- ventilatori i svjetiljke
- kante za otpad i recikliranje
- fenovi za kosu
- daske za peglanje i pegle
- ključevi
- prekidači za svjetla
- ograde
- daljinski upravljači
- stolovi
- termostati
- prozorske daske i ručice na prozorima

## Kuhinja:

- uređaji: aparat za kafu, rerna, eskpres lonac, toster itd.
- kvake i ručice na kuhinjskim ormarićima

- začini: ulje, posude za so i biber, začini i dozeri koji se često upotrebljavaju i dr.
- stolice s čvrstim naslonom
- posuđe koje se ne može prati u mašini: keramičke zdjele, plastično posuđe za djecu i dr.
- sudopere

## Kupatila:

- ručke na slavinama
- dozeri za šampon, regeneratorski gel za tuširanje i sapun za ruke
- zavjese i vrata tuš-kabine
- tuš-kabine i kade
- umivaonici

- WC školjke

## Spavaća soba:

- vješalice i stalci za prtljag
- noćni ormarići

## Kućni aparati za pranje i čišćenje:

- mašine za pranje suđa
- usisivači
- mašine za pranje veša /sušilice

## Oprema za djecu:

- stolice za hranjenje
- prenosni krevetići i dječje ogradice za igru
- igračke

## Ostali sadržaji:

- bicikla
- knjige
- daske za surfovanje
- društvene igre

*\*Listu je objavio Airbnb na bazi javno dostupnih informacija Centra za kontrolu i prevenciju bolesti Hrvatske. Airbnb ne predstavlja nijednu stranu niti pruža garanciju bilo koje vrste i u bilo koju svrhu, bilo eksplicitno bilo implicitno, u vezi sa cjelovitošću, istinitošću, pouzdanošću ili dostupnosti pomenutog sadržaja. Stoga se na navedene informacije oslanjate isključivo na lični rizik.*